

tigisse, Cum sapius per aliquot septimanas, custos cadaverum constitutus, etiam noctu, inter ea cubare es coactus, ne per insidias studiosum rapta aliò transferrentur.

Sed de his dabitur commodior occasio brevè, coram conferendi. Interim ago gratias pro inspiciendo Spigelio & exin ansà oblata ad speculandum.

EPISTOLA XIV.

*De pilulis antipodagricis Argentinensium, utrum
tutus earum usus?*

Ad quendam Medicum.

Um omnes homines, præsertim quibus obtingit Genius paulò sublimior, sine appetentes laudum, ita & meus animus ab encomio haud alienus, si intra limites consistat, nec supra gradus meriti conscendat. Cum Aristoteles Athenis inambulans, quendam juvenem purpureâ veste indutum, cum gravitate ingredientem, in conspicatus, optabat talis esse in re, qualem se esse, ille sibi imaginaretur. Quid nò & mihi in votis, ut talis essem, prout vestri oculi mentis de me critici.

O quàm magnus essem, non in *Carthago*, sed in ipsa *Ierusalim*. Mihi gaudio, dum animadverto, meas responsiones vobis, præsertim nostrari honorando amico, probari & etiam æstimari, qui aquila in nubibus est, perspicacibus suis oculis omnia cernens & exactè discernens, si mea responsa limatum illius iudicium su-

stinent, quis obrectare ausit? Tam honesta censura sit mihi pro magnâ usurâ.

Quoad pilulas antipodagricas, ex troch. alhand. diagr. & alo. ros. concinnatas, quin in avertenda defluxionum materiâ (serofos, biliosos & pituitosos humores, eeu causam antecedentem evacuando) prohibendo, ne ad articulos descendat, plurimum præstare valeant, indubium, sed tamen cum justâ discretionè usurpandæ. Si aloë solitaria crebrius ingesta Epar lædit, prout Jul. Cæs. Scaliger Exerc. 160. asserit his verbis: Qui negant aloë Jecur offendi, Experimentæ Scuticæ digni sunt, hoc per annos amplius 40. compertum habuimus. Nolo commemorare qui non solum ab Empyricis pharmacariis, sed etiam à Galenistis in pericula & morbos illius usu conjecti, eximimus è pernicie manifestâ. Quin summus ille Philosophus, etiam maximi nominis Medicus fuerit, proin ipsius

ipſius authoritas magni æſtimanda, dum de ſe quadam in Epistolâ refert: Crebra maximorum virorum fruor ſalutatione, miſſis ad me epistolis, ultima ex Germaniâ, Galliâ, Italiâ, quod ipſi nonnullam habeant de meis curationibus potius, quàm de ſapientiâ opinionē. Quin & ventriculo, præſertim ſi ſiccior, damnoſa aloë æſtimanda, dum non ſolùm humores ſuperfluos educit, ſed & ob vim abſtergendi & ſiccandi, ſuccos alimentales adurit, & humidum radicale revellit, exin in tabem inmedicabilem, deducit. Si ergò tanta pernicies à ſolius aloes frequentiore uſu exſpectanda, quid verendum, ſi diagr. & troch. alhand. adjungantur. Haud notabilis effectus ab illis ſperandus, ni crebriùs uſurpentur, & ſenſim collectos viſioſos humores, qui aliàs ad extremos artus præcipitarentur, ſubtrahant. Quod citra noxam interiorum. Viſcerum, & æconomiz naturalis inſervientium, inprimis Epatis & ventriculi, fieri nequit. Olim perquàm lepidè Antonius Guevara, Caroli V. Imp. Confessionarius in epistolâ ad Medicum Hiſpanum,

cum doloribus podagricis obnoxius & à Medico potio oblata, qua Epar & ventriculus inflammata, exin graviter in illum invecus, magnâ querelâ, quid cauſæ, quod Epar & ventriculus ceu partes innocentes multatæ, cum pedes potius caſtigandi. Eadem mihi querimonia de pilulis illis, ne dum earum beneficio, intendimus præſervare pedes à cruciatu, plus damni inferamus internis viſceribus, è charybdi in Scyllam incidentes.

Utcunq; autem iſta ſe habeant, cenſerem pilulas illas proficuas, quibus obtigit à Naturâ craſſior ac robuſtior corporis conſtitutio, & ſi ventriculus humidior, cum congerie pituitoſorum humorum: in Naturis mollioribus ac delicatioribus & cholericis ab illis abſtinerem, exin magis convenirent Germanis, quàm Gallis & Italis. Tutiores æſtimarem in Naturis bilioſis, macilentis, ſi alvus laxior pil. angelicas, vel alo. Roſ. Aqua p. in Naturis autem phlegmaticis, ſi alvus adſtrictior, præferre Marocoſtinas D. Mindereri, iſtarum uſu novi quosdam adjutos in præſervando ab inſultu podagrigo,

EPISTOLA XV.

Nicotiana à calumniis vindicata.

Ad Philiatrum.



Hic Nicotiana ſit Panacea proſtigans omnes internos & externos ac Medicina univerſalis, nos languores ſi quis illam dextere, ponde-